



Dnja 21. januara wotmě so w Drježdžanach rozmołwa ministerskeho prezidenta Michaela Kretschmera (srjedža) z předsydu Domowiny Dawidom Statnikom (2. wotlěwa). Na nej wobžělichu so dale předsydku Sakskeje serbskeje rady a člonka Zwjazkowego předsydstwa Domowiny Marja Michałkowa, direktor Założby za serbski lud Jan Budar a jednačel Domowiny Marko Kowar.

Po rozmołwje z ministerskim prezidentom předstajichu džěci Ralbičanskeje pěstowarnje we woponowej galeriji Sakskeje statneje kenclije ptači kwas.

Foto: Sakska statna kenclija/Matthias Rietschel

## Před 70 lětami přeni Serbski zakon schwaleny

Jako historiski wokomik w stawiznach Serbow a pozbudžowacy signal do přichoda hódnoćeše předsydu Domowiny Dawid Statnik w nowinskim wozjewjenju z dnja 23. měrcy schwalenje přenjeho Serbskeho zakonja w Sakskej před 70 lětami. Dnja 23. měrcy 1948 wobzamkny tehdyši Sakski krajny sejm přeni raz w stawiznach Němskeje zakon, kiž wěnowaše so zakonskemu škitej a statnemu spěchowanjcu serbskeje rěče a kultury. Tež džensa wobhlada Domowina tutón zakon jako rozsudny měznik w stawiznach Serbow. Zdobom pokaza D. Statnik na wjacore wobłuki, hdžež so džensniši Serbski zakon pak njedodžerži pak jeho móžnosće njewučerpaja.

► [Domowina.de](http://Domowina.de), [medijowe wozjewjenja](#)

## Domowina přihotuje konferencu k strukturnemu wuwicu we Łužicy

Rozprawa zarjada Domowiny a RCW wo džělawosći w lěće 2017 a naćisk za lěto 2018 běštej dwaj z hłownych dyckow posedženja Zwjazkowego předsydstwa Domowiny dnja 23.02.2018 w Choćebuzu. Pod nawodom předsydu Domowiny Dawida Statnika wzachu člonoyo gremija tež informaciju k zakončenju hospodarskeho lěta 2017 a naćisk za lěto 2018 na wědomje.

Domowina přewjedže dnja 13./14. septembra 2018 konferencu k strukturnemu wuwicu we Łužicy ze serbskeho wida. Namjetej přihłosowa gremij na zakładze naćiska wuběrka za hospodarstwo a infrastrukturu. Zarjadowanje wotměje so w Złym Komorowje. Dokładny wobsah a namjety nastupajo referentow maja so w bliskim času nadžělać. Konferenca zarjadowuje so do procesa projekta „přichod Łužicy“ (Zukunftswerkstatt Lausitz).

## Předna rozpšawa k položanju serbskego luda w Krajnem sejmje Bramborskeje

Dnja 01.02.2018 jo se w Krajnem sejmje Bramborskeje předna rozpšawa k položanju serbskego luda zjawnje diskutěrowała. Předsedař Domowiny Dawid Statnik jo to witał: „Wižimy to ako wažny pšinosk k pólěpšenju položanja Serbow w Bramborskej. Rozpšawa njepředstaja jano něntejšnu situaciju, ale pokazujo teke, na comž musy se hyšći žělaš. Tak jo na pšikład Domowina w swójom stojnišću na to pokazała, až pódperuju pominanje starješych za nowelěrowanim serbskego šulskego póstajenja a až jo za wuspěšnu Witaj- respektiwne dwójorěcnu wucbu wěcej wucabnikow serbsčiny notnych. How se nažejamy dalej na pódperu Bramborskeje, aby mógali pó nowych drogach kšacaš a našu rěč wuchowaš.“

Zakład rozpšawy jo tworil § 5b bramborskeje Serbskeje kazni, kenž krajne kněžarstwo zawězujo, krajnemu sejmju w srježi wólbneje perody daš rozpšawu wó položanju serbskego luda w Bramborskej. Rozpšawa wopšimjejo pšedstajenje něntejšnego stawa, analizěrujo statkowosć spěchowanja serbskeje rěcy a kultury a wugronijo se k pšedewzešam krajnego kněžarstwa. Ku tej nagromadu 205 bokow dłukey papjerje su pšizěłali Domowina – Zwězk Łužyskich Serbow, zagronite za nastupnosći Serbow pla komunow a Rada za nastupnosći Serbow.

## VIII. Mjezynarodny festiwal dudakow Slepo VIII. Internationales Dudelsackfestival



15. – 17. Juni 2018 in Schleife

[www.dudelsackfestival-schleife.com](http://www.dudelsackfestival-schleife.com)

Ermäßigter Kartenvorverkauf bis 15. Mai 2018

## Namjety za „Myto Domowiny“ a „Čestne znamješko“ 2018 zapodać

Lětsa maja so zaso zaslužbne wosoby z Mytom Domowiny, z Mytom Domowiny za dorost a z Čestnym znamješkom Domowiny wuznamjeni.

Z Mytom Domowiny maja so ći počesćić, kotřiž so zaměrnje a wuspěšnje za zachowanje a wozrodženje serbskeje kultury, wosebje pak serbskeje rěče zasadźuja, kaž starši, kubłarki a wučerjo, dołholětni předsydzja Domowinskih skupin a druhich towarstwow.

Z Mytom Domowiny za dorost wuznamjeni so młodostna/y abo skupina, kotraž so na wusahowace wašnje za serbsku rěč a kulturu angažuje.

Z „Čestnym znamješkom Domowiny“ připóznawaja so zaslužby w towarstwowym džěle, zwoprawdžejo program a směrnicy Domowiny.

W mjenje Zwjazkoweho předsydstwa Domowiny prosymy člonow župow, towarstwow a tež jednotliwcow, zo bychu namjety za wuznamjenje hač do 30. junija 2018 zapodali na slědowacu adresu:

**Domowina - Zwjazk Łužiskich Serbow z. t.**

**Póstowe naměsto 2/Postplatz 2, 02625 Budyšin/Bautzen.**

Swój namjet móžeće tež z e-mejlku pósłać na **clemens.skoda@domowina.de**.

Mytowanski wuběrk prosy wo to, za namjet nowy formular wužiwać, kotryž je na webstronje składowany:

► <http://www.domowina.de/hsb/domowina/wuberk/mytowanski-wuberk>.

W tutym dokumenće namakaće dalše informacije. Jeli maće k tomu prašenja, móžeće so tež rady direktnje na zarjad Domowiny wobroćić:

**Clemens Škoda**

referent Domowiny za kulturu a wukraj,

e-mejlka: **clemens.skoda@sorben.com**, tel. 03591 550-208

## Vorschläge für Domowina-Preis 2018 und Ehrenabzeichen 2018 erbeten

Verdienstvolle Persönlichkeiten mit dem Domowina-Preis, dem Domowina-Nachwuchspreis sowie dem Ehrenabzeichen der Domowina auszuzeichnen, ist jedes Jahr eine ehrenvolle Aufgabe.

Mit dem Preis der Domowina werden Persönlichkeiten geehrt, die sich zielstrebig und erfolgreich für die Entwicklung der sorbischen Kultur und Sprache einsetzen.

Der Domowina Nachwuchspreis wird an Jugendliche und/oder Jugendgruppen verliehen, die sich in besonderer Weise für sorbische Belange engagieren.

Verdienste bei der Verwirklichung des Programms und der Richtlinien der Domowina sollen mit dem Ehrenabzeichen der Domowina gewürdigt werden.

Im Namen des Bundesvorstandes der Domowina werden alle Mitglieder der Regionalverbände, der Mitgliedsvereine und Einzelmitglieder gebeten, ihre Vorschläge bis zum 30. Juni 2018 an die

**Domowina – Bund Lausitzer Sorben e. V.**

**Postplatz 2, 02625 Bautzen/Budyšin**

oder per E-Mail an **clemens.skoda@domowina.de** zu senden.

Die Geschäftsstelle bittet darum, für die Vorschläge das neue Formular zu nutzen. Es ist veröffentlicht unter:

► <http://www.domowina.de/hsb/domowina/wuberk/mytowanski-wuberk> und enthält weitere Hinweise.

## Wopominachu wjelestronske skutkowanje Michała Nawki

Na dnju 50. posmjertnin Michała Nawki (1885-1968) je towarstwo Maćica Serbska spominało na serbskeho narodneho prócowarja a sobuiniciatora załoženja třěšneho zwjazka serbskich towarstwow Domowiny w lěće 1912.

Při jeho rowje na Mikławsku pohódnoći jeho, pjatk 16. měrca 2018 w Budyšinje, předsyda Maćicy Serbskeje, Jurij Łuščanski, jako serbskeho „wšudžebyła“, přetož njeje kulturneho wobłuka, w kotrymž njeby so Michał Nawka wuspytał.



Na serbskeho narodneho prócowarja a sobuiniciatora załoženja Domowiny w lěće 1912 Michała Nawku spominachu člonoj Maćicy Serbskeje dnja 16. měrca 2018 při jeho rowje na Mikławsku. Słowa jimaštaj so předsyda Maćicy Serbskeje Jurij Łuščanski (foto) a Mikławš Krawc.

Foto: dr. Anja Pohončowa

Mikławš Krawc skulojći wuwjedženja z přikładami ze stawiznow Serbskeho Sokoła, kotrež je Michał Nawka w mjezywjónskej dobjě sobu postajował. Za to samo pomjenowachu w lěće 1945 w Českej Lipje dróhu na Nawkovu.

Skupina česćowarjow połoži kwětki na row a wuspěwa najpopularniši kěrluš z pjera Michała Nawki „Miłosciwa, zhladuj na nas“ a serbsku hymnu „Rjana Łužica“. Dr. Anja Pohončowa a prof. dr. Dietrich Šořta recitowaštaj basni Michała Nawki „Kraj, lud, rěč, spěw“ a „Swjateho Jurjowy pochod“.

Samsny dzeń wječor w jeho ródnej wsy w Radworju wěnowaše so Towarstwo Cyrila a Metoda zhromadnje z Maćicu Serbskej wjelestronskemu skutkowanju Michała Nawki. Farar w Baćonju a bywši redaktor Katolskeho Posoła Gerat Warnar přednošowaše wo redaktorskim džěle Michała Nawki wot 1950 hač do 1959 jako přěnim w stawiznach serbskeho katolskeho časopisa, kotryž je jako lajk wobsah Katolskeho Posoła zamołwjał. Jurij Łuščanski, předsyda Maćicy Serbskeje a zestajer lyriskeje zběrki Michała Nawki w slědže Serbska poezija, porěča k basniskemu tworjenju. Wnučkaj počesćeneho Ludmila Budarjowa, předsydka Serbskeho šulskeho towarstwa, a Měrko Šořta, nawoda hudźbneje sekcije Maćicy Serbskeje, zbližištaj něhdže 50 přitomnym na Radworskej farje wučerske zaslužby a starosć Michała Nawki wo nowe serbske kěrluše. Do małeje akademije bě na wječornych kemšach farar Gabriš Nawka z Kulowa w předowanju swójeho džěda jako křesćana z ćělom a dušu wopisał. Puć, při kotrymž je stał ródny dom, je w Radworju po Michale Nawce pomjenowany. **Marka Cyžowa**

## Hłowna zromadźizna Maćicy Serbskeje: Muzej Čišinskeho lěpje přistupnjeć!

Na hłownej zhromadźiznje Maćicy sobotu, 17. měrca 2018, na žurli Serbskeho muzeja w Budyšinje rozprawjachu předsyda Jurij Łuščanski wo džěławosći předsydstwa a nawodža fachowych sekcijow, serbskeju rěčneju komisijow a pomnikoweho wuběrka wo džěławosći w minjenych dwanaće měsacach. Pokładnica towarstwa Jěwa-Marja Čornakec poda financnu rozprawu.

Čežišća džěławosće serbskeho wědomostneho towarstwa běchu w minjenym léće: Skrućenje zwiskow do srjedźneje Łužicy a zeznaće prócy wo wuchowanje serbsčiny w Slepjanskej kónčinje, hajenje zwiskow do wukraja, wosebje do Lwowa, Prahi a Libereca.

Wopominanje 50. posmjertnin Michała Nawki wotmě so na dnju do hłowneje zhromadźizny. Wuspěšnje rozsudži so na iniciatiwu Maćicy Serbskeje, zo wostanje sydło Serbskeje kulturneje informacije dale w Serbskim domje w Budyšinje. Stawizniska sekcija pod nawodom Trudle Malinkoweje je pokročowała ze swojej tradiciju Maćičnych akademijow we Wjelbiku a je přewjedła štyri zarjadowanja. Sekcija muzejownistwo a ludowěda pod nawodom Andreje Pawlikoweje a dr. Ines Kelleroweje je organizowała we wobłuku wustajeńcow w Serbskim muzeju wosebite zarjadowanja k temje reformacija a Serbja a k wašnjam drasćenja narodnych drastow. Wuslědk prócowanjow sekcije za literaturu a wuměłstwo pod nawodom prof. dr. Dietricha Šołybě, zo po džesać lětach Ludowe nakładnistwo Domowina awtorow, zestajerjow a přeložowarjow na fachowe wuradźowanje přeprasy.

Sekcija hudźba pod nawodom Měrka Šoły je spytała za jím budzić za přepytowanja recepcije ludowych spěwow. Přeprošenja na to njejsu so w Serbskich Nowinach po přecu sekcije wobkedźbowali.

Pomnikowy wuběrka pod nawodom Trudle Malinkoweje je loni štyri projekty přewodźał: kopiju za wójnu zeškrěteje busty Handrija Zejlerja za Dom Zejlerja a Smolerja we Łazu, dwurěčnu taflu na Spomóžerski dom w Hodźiju, rownišć Bogumiła Šwjela w Choćebuzu a inwentarizowanje nabožnych pomnikow w Chróšćan wosadže.

Delnjoserbska rěčna komisija pod nawodom dr. Fabiana Kaulfürsta je so rozestajała z prawopisnymi rjadowanjami, mjez druhim z pisanjom cuzych słowow. Hornjoserbska rěčna komisija pod nawodom dr. Sonje Wölkoweje je naćisnyła pravidla za różno pisanje.

Mašica Serbska w Choćebuzu ze svojim předsydu dr. Pětšom Šurmanom je mjez druhim pohłubiła zhromadne džěło z delnjoserbskim Spěchowanskim towaristwom za serbsku rěč w cerkwi z. t. a z Domizniskim towaristwom w Tšupcu.

Na spočatku hłowneje zhromadźizny wopominachu loni zemrěteju člonow, bywšeho nawodu ludowědneje sekcije, dr. sc. Sigmunda Musiata, a dr. Zbigniewa Gajewskeho, spěchowarja serbskeje rěče w susodnej Pólskej. Z třomi přistupami a jednym wustupom wobsteji Maćične towarstwo dale ze 106 člonow, mjez nimi je dwanaće wosobinow z wukraja.

W starosći wo wědomostnu zaběru młodźiny ze serbskej tematiku wupisuje Mašica Serbska tři dorostowe myta: za studentow Myto Arnošta Muki, za hornjoserbskich šulerjow Myto Michała Hórnik a za delnjoserbskich šule-



Pomnikowy wuběrka pod nawodom Trudle Malinkoweje je loni štyri projekty přewodźał, mjez nimi zhotowjenje kopije za wójnu zeškrěteje busty Handrija Zejlerja za Dom Zejlerja a Smolerja we Łazu. Wjesnjanosta Thomas Leberrecht a předsyda Domowiny Dawid Statnik wotkryšaj bustu w ramiku serbskeho wječora, kiž organizowaše Towarstwo Dom Zejlerja a Smolerja Łaz dnja 26. januara. Bustu financowašej towarstwo a Załožba za serbski lud.

Foto: Andreas Kirschke

rjow Myto Bogumiła Šwjela. Lětsa spožči Mašica Serbska připóznawace myto Michała Hórnik šulerjej Fabianej Neteraj ze Serbskeho gymnazija w Budyšinje za jeho zapodate džěło „Přescěhanje Židow w času nacionalsocializma we Łužicy wot 1933 – 1945 na přikładže swójby Nussenbaum z Budyšina“. Wurazny džak zwurazni předsyda wučerce n. w. Angeli Langerowej w Budyšinje, kotraž je 18 lět hladała row Jana Arnošta Smolerja.

Ze swójskim stejišćom wobroći so předsyda Łuščanski na zhromadźiznu a zjawnosć k naležnosći, kotruž serbske towarstwa a jednotliwcy hižo wot lěta 2011 tematizuja: Njespokojacy je staw wopomnišća Jakuba Barta-Čišinskeho w rumnosći zakładneje šule a z tym w nošerstwje gmejny w Pančicach-Kukowje. Eksponaty najslawnišeho serbskeho basnika-klasikarja měli měć hódne a zjawnosći prawidłownje přistupne městno. Jurij Łuščanski přepoda stejišćo, kotremuž bě zhromadźizna přihłosowała, na městnje přitomnemu předsydu Domowiny, Dawidej Statnikaj. Tón přilubi, so za naležnosć zasadzeć. Jednanja na džělowej runinje su zahajene a scěhować ma rozmołwa z gmejnskim předstejićerstwom.

W druhim džělu zhromadźizny scěhowašej stawiznskej přednoškaj: Dr. Petr Kaleta z Prahi předstaji někotre wuslědky z přepytowanjow „Serbja w Ludowej komorje NDR 1949-1989“.

Dr. Pětš Šurman rěčeše „K statkowanju Mašice Serbskeje a jeje zwiskam ku górnoserbskej Maćicy.“

Hłownu zhromadźiznu nawjedowała je městopředsyda Maćicy Serbskeje, dr. Anja Pohončowa.

Marka Cyžowa

## Die Domowina-Ortsgruppe in Halbendorf:

### Ein wichtiger Pfeiler bei der Pflege und Bewahrung der sorbischen Traditionen

Die Domowina-Ortsgruppe ist aus Halbendorf nicht wegzu-denken, viel zu stark ist sie in das gesellschaftliche und vor allem in das kulturelle Leben des kleinen Dorfes integriert. Das liegt nicht allein an der produktiven Zusammenarbeit mit dem Halbendorfer Heimatverein, dem Jugendclub und den Domowina-Ortsgruppen der benachbarten Dörfer, sondern auch daran, dass sich die Mitglieder dieser Ortsgruppe nicht in den Mittelpunkt drängen und auch an nicht sorbischen Veranstaltungen in Halbendorf tatkräftig mitwirken, etwa beim Zampern, bei der Frauentagsfeier oder auch beim Neptunfest im Sommer.

Feste im Dorf, die an sorbische Traditionen und Bräuche angelehnt sind, werden zudem hauptsächlich durch die Domowina-Ortsgruppe organisiert. Als ein Höhepunkt ist der Ostereiermarkt, der alljährlich stattfindet, zu nennen. An diesem Tag gibt es ein kulturelles Programm, das in deutscher und sorbischer Sprache moderiert wird, verknüpft unter anderem mit Auftritten des Folklore-Ensembles oder der Kindergartenkinder, die in sorbischer Tracht auftreten. Abgerundet wird die Veranstaltung durch die Vorführung von traditionellen Techniken beim Verzieren der Ostereier und die persönliche Begrüßung der Besucherinnen und Besucher in sorbischer Festtagstracht.

Ein ebenfalls traditionsreicher sorbischer Brauch ist der Rundgang des Džěćetkos (sorbisches Christkind) durch Halbendorf. Am Nachmittag des letzten Sonntages vor Heiligabend geht das Džěćetko gemeinsam mit seinen Begleitmädchen durch das Dorf, verteilt kleine Geschenke an alle Leute, die ihm begegnen, und segnet sie für das kommende Jahr. Das An- und Auskleiden des Christkindes sowie die Vor- und Nachbereitung der Trachten übernimmt ebenfalls alljährlich ein Mitglied der Domowina-Ortsgruppe.

Maria Pötschke

### Der Kulturverein Zeißig zieht eine erfolgreiche Bilanz

Im Rahmen der Mitgliederversammlung des Kulturvereins Zeißig blickte der Vorsitzende Hans Groba auf die Aktivitäten des vergangenen Jahres und vor allem auf die Festwochen anlässlich des 20-jährigen Bestehens des Vereins zurück. Eine stolze Bilanz, die in einer 32-seitigen Broschüre festgehalten wurde.

Neben den traditionellen Veranstaltungen, wie dem Frühlingsfest, der Kirmes und dem Weihnachtsmarkt, an denen sich viele der insgesamt knapp 90 Mitglieder aktiv beteiligen, widmen sich die fünf Gruppen des Vereins speziellen handwerklichen, künstlerischen und sportlichen Interessen sowie der Pflege der sorbischen Sprache und des Brauchtums. So entstand im Zeißighof eine neue Ausstellung bäuerlicher Gerätschaften, und für zukünftige Präsentationen sorbischer Trachten wurden mit finanzieller Unterstützung der Stiftung für das sorbische Volk zwei wertvolle evangelische Hochzeitstrachten aus dem Fundus von Günter Hoffmann erworben.

Zu den besonders aktiven Gruppen des Vereins gehört der Seniorenclub, der regelmäßig Radtouren, die Seniorengym-

nastik für Frauen sowie Ausflüge, etwa den alljährlichen Besuch des Bautzener Theatersommers, organisiert. Dennoch bereitet das Durchschnittsalter der Mitglieder Sorgen. Einigen fällt es inzwischen schwer, sich aktiv an Veranstaltungen zu beteiligen.

Hoffnungsvoll stimmt dagegen die im Jahr 2013 von Anett und Jens Sarodnik ins Leben gerufene Theatergruppe, die inzwischen auf zwölf Mitglieder gewachsen ist. Die Theatergruppe hat den Verein enorm beflügelt. Nach den erfolgreichen Open-Air-Veranstaltungen im vergangenen Jahr wird es auch 2018 wieder zwei Aufführungen des Zeißiger Hoftheaters im Zeißighof geben. Neben ihrem künstlerischen Engagement beteiligen sich die Protagonisten auch aktiv an der Organisation und Gestaltung öffentlicher Veranstaltungen.



Zum Dank für ihr Engagement in der Theatergruppe und im Vorstand erhielt Tina Schubert vom Vereinsvorsitzenden eine Rose.

Text und Foto: Johann Tesche

#### 2018 sind auf dem Zeißighof unter anderem geplant:

- *Zeißiger Hoftheater am 23. Juni und am 18. August 2018*
- *Back- und Schlachtfest am 29. September 2018*
- *17. Zeißiger Weihnachtsmarkt am 1. Dezember 2018*

► [www.zeissighof.de](http://www.zeissighof.de)



Foto: W. Kotissek

## Mytowachu Rěčam přichilene komuny

2. februara 2018 wotmě so w Serbskim kulturnym centrumje Slepomytowanske zarjadowanje za 3. sakske wobudźowanje „Rěčam přichilena komuna – Serbska rěč je žiwa“. Wubudźowanje je w dwurěčnych komunach serbskeho sydlenkeho ruma w Swobodnym staće Sakska wot 3. februara do 31. decembra 2017 pod patronstwom předsydy Krajneho sejma dr. Matthiasa Rößlera běžało.

Wobdźělili su so komuny Chrósćicy, Halštrowska hola, Wulka Dubrawa, Hodźij, Wojerecy, Kamjenc, Rakecy, Łaz, Bóšicy, Radwor, Ralbicy-Róžant, Worklecy, Slepomytow a Kulow. Wšitke dóstachu wopismo z džakom a připóznacjom za wjelorake prócowanja wo zdźerženje a dalewuwić serbskeje rěče, a wosebje za prezencu w zjawnym žiwjenju. Runočasnje spožči so jim prawo wužiwanja loga wobudźowanja z napisom „Sprachenfreundliche Kommune“ za prezentaciske a wabjenske potrjebje w komunje.

Zo by mjez wšelakimi wobdźělnikami wobstała wěcowna přirunajomnosć, su so tři kategorije wobkedźbowali, to su „město“, „serbski centrum“ a „dwurěčna komuna“. Za wobsebite wukony spožči so Wojerecam, Chrósćicam a Łazej 1.



myto we wysokosći 1000 eurow. 2. myto a 500 eurow zdobychu sej Ralbicy-Róžant a tež Rakecy. 3. myto a 250 eurow dóstachu gmejny Kulow, Radwor a Hodźij.

Wubudźowanje organizuje Sakska Serbska rada wot lěta 2000. Založba za serbski lud a třěšny zwjazk Serbow - Domowina z. t. je podpěrujetaj. Wobdźělic smědža so města, gmejny a měščanske džěle serbskeho sydlenkeho ruma w Swobodnym staće Sakska, kotraž su w § 3 Zakonja wo prawach Serbow wupokazane.

Wobknježenje a nałožowanje serbskeje rěče na městnje njeńdže wot samoho. Přeco zaso dyrbyja so aktualne wobstejnoscě analizować, kotraž so pozitiwnje abo negatiwnje na zachowanje serbskeje rěče wuskutkuje. Nowe šansy za nawuknjenje a wužiwanje serbskeje rěče w zjawnym wšědnym dnju skića digitalne móžnosće.

**Marja Michałkowa**  
předsyda Sakskeje serbskeje rady  
a člonka Zwjazkoweho předsydstwa Domowiny



Počesćenje dobyćerjow wobudźowanja Rěčam přichilena komuna serbskeho sydlenkeho ruma w Sakskej wotmě so 2. februara w Slepomytow. Fota: Martina Arlt





Franciska Kowohlec a Pawoł Nowak chćetaj so lěta požadać wo studijne městno wučerstwa ze serbsčiny na Lipsčanskej uniwersiće. Tohodla wuknjetaj tuchwilu dwójce wob tydźeń pilnje serbsce pola Reginy Kummerowje w Zejlerjowej šuli we Wojerecach. Rěčny kurs za njeju podpěrujetej financielnje Rěčny centrum WITAJ a přirada za serbske naležnosće města Wojerocy. Foto: Werner Sroka

## Towarstwo přećelow Serbow we Wendlandže załožene

Dnja 17.02.2018 załoži kruh jědnaće zajimcow we Łuchowje (Lüchow) nowe towarstwo z mjenom „Wendischer Freundes- und Arbeitskreis e. V.“ Hłowny zaměr je wobchowanje a wožiwjenje słowjanskeho herbstwa w Hannoverskim Wendlandže kaž tež wuchodnje Łobja. Při tym chce towarstwo wukonjeć wuske zhromadne džěło z Domowinu, pokročujo wjac hač 25 lět wobstejacu kulturnu wuměnu mjez Wendlandom a Serbami. Towarstwo ma wot pohlad, próstwu wo asociěrowane člonstwo na Domowinu stajić, zo by so na tutym zakładže kooperaciske dojednanje podpisało. 1. předsyda je Ernst Stelte, kotryž bu w lěće 2014 powołany jako społnomócnjeny Domowiny za Wendland.

Werner Sroka



Załoženska zhromadźizna towarstwa přećelow Serbow we Wendlandže Foto: Bernd-Bruno Meyer



Manfred Nickel, předsyda Towarstwa Njepilic dwór Rowno a nošer Myta Domowiny, dósta składnostnje swojich 75. narodnin dnja 1. februara slěbornak ze serbskim dudakom z rukow předsydy Domowiny Dawida Statnika. Z tutym mytom bu M. Nickel za swoje dołholětné prócowanje na dobro serbskeho luda a wo zachowanje slepjanščiny počesćeny. Zbožopřećam so člonoyo towarstwa a dalši hosćo přizamknychu. Foće: Martina Arlt

### Impresum: Naša Domowina - Informacije třěšneho zwjazka • Informacije kšywowego zwězka • Informationen des Dachverbandes

Tu wozjewjene wosobinske měnjenja njekryja so na kóždy pad z měnjenjom wudawaćela. Redakciski kónec: 28.4.2018

wudawaćel/Herausgeber: Zarjad Domowiny • Zarěd Domowiny • Geschäftsstelle der Domowina  
Póstowe naměsto/Postplatz 2 • 02625 Budyšin/Bautzen • www.domowina.de

redakcija/Redaktion: Borbora Felberowa  
tel. 03591-550 202 • faks: 03591-42408 • e-mejlka: borbora.felberowa@domowina.de

lektorjo/Lektoren: Karin Damaschke, Erwin Hanuš, Jan Měškank

zhotowjenje/Satz: Lausitz-Grafik, Melanie Kotissek

Domowina spěchuje so wot Załožby za serbski lud, kotraž dóstawa lětnje přiražki Zwjazka, Swobodneho stata Sakskeje a Kraja Braniborskeje.